

以诗会友 | 上期征稿选登 | 题：新气象 新作为

清平乐·云南景

蒋瑞宸

南诏好景，满眼春风影。四季
花齐香扑径，滇池烟光斜映。
玉龙近月摘星，古城宴客留停。
身寄不知归去，彩云深处啼莺。

新春感赋

赵佳聪

流年逝水几悲欢，笑看彬彬鲁士冠。
巧慧婵娟偷妙药，拙愚老叟炼灵丹。
彩鸡照影清波险，素雁腾身碧落宽。
求索两间人未悔，狂歌一曲唱青山。

元旦抒怀

李琼华

一

凭栏听曲曲如醪，红福灯笼步步高。
玉兔回宫依月桂，金龙腾宇上云霄。
感时好润新春雨，报捷欣弹碧水谣。
紫燕萦回心有迹，阖家团聚品年糕。

二

轻寒浅暖未均匀，野外冬梅已逗人。
泉水烹茶邀贵客，山风骀荡入乾坤。
土花乱发遮行路，黄鸟齐鸣迓早春。
万象繁荣新岁换，天音坐听奏瑶琴。

佳
作
欣
赏

浣溪沙

杨宗远

逞此蛮天一宿寒，依稀冰枕记清欢。
淡烟新泛小庭轩。

孤睡觉来香约略，旧游看处鸟间关。
片冰叠雪忆前番。

瑞龙吟·江川记游

郭力

江川路，依旧水映晴沙，一行烟树。时时
暗里寻来，曾经别院，无人识处。枉踟蹰。犹
记得罗裙湿，笑随云缕。留将一瞥惊魂，燕莺
从此，慵慵厌顾。

依约纤纤离恨，素笺空对，如何分付？来
去道中经年，多少风雨。千山明月，犹照人如
故。相逢又，平湖秋色，神仙眷侣。卷一帘风絮。
两情总被，东风吹去。难解伤春语。回首
寄，当时凭栏思绪，柔肠寸结，还余几许？